山庫全幸

史部

欽定四庫全書 是代名臣奏義卷一百二十九

詳校官編修匠 瓊 修是養議覆勘

總校官編修臣王燕緒 校對官編修臣盧 磨銀監生臣陶鳴珂

遂

たいのう · 教信 21 Lin 人名英人 爱多性 律等見今存在欲乞特降聖旨指 明 歷代名臣奏議 古之樂不可以上薦天地宗 心祁上奏曰臣伏覩右司 謂曾将景祐廣樂記看 楊士奇等

粗知本末苟有所見不容隱點謹具畫一于後 蒙差赴太常寺與熊肅等共磨治鐘磬後來親見李照 重定律度及相次提舉胡我別造鐘磬臣於太常樂跪 綏等與兩制同共詳定聞奏伏緣臣自景祐元年中曾 揮下太常寺復用舊樂者奉敕已差資政殿大學士宋 金贝四月至書 李照所造鐘磬當時只是將太府寺布帛尺一面 定法改造比舊樂頓下四律伏縁李照資性說解 辨論專固莫非出自私意不循古法其尺約長王 老一百二十八

とこりまたいた 升為一 **既自造大芋大笙亦充大樂行用皆范憑新韻不** 鐘之形狀並不依典故聲韻遥長掩過群樂及李 秤又減鐘磬十六枚為十二枚 十二枚為一架其 依古制及有新降到雙鳳管樂工吹之並不成聲 朴尺二寸其斗法以六百二十黍為一龠六龠為 秤一斤零十两十斤為一秤六斤為秤 謂之律太府見用零官十斤為一秤令太府以十謂之律 合自古十龠為合今頓差四合十合為一升十 母謂之律母其 科以升水之重為一斤 執 歷代名臣奏議

金万匹居至書 遂敢敗壞祖宗以來舊樂使朝廷以不法之器為 李照雖自稱曉音律其實與伶官賤工識見無異 太族夾鍾之間其太族商聲君聲君位也今君聲 愚智所共明知陛下沉深達律品可以斷自聖慮 災人事不合常禮皆不祥之大也如此數事人無 降在臣位羽聲來處尊宫三年有餘於理尤害天 鍾之管乃是南吕倍聲舊黃鍾九寸正聲却降在 見天地祖宗四海傳聞莫不竊議只如照所定黃 卷一百二十八

太常寺舊樂本自唐昭宗時雅樂亡散器無子道 太祖朝又詔和峴以景表尺重加磨治稍令聲下 朴律準又無王朴所定律尺律管祭驗音韻而無 昨縁景祐二年熊肅始乞修正樂器其時只得王 相傳習而不改至周時王朴重定尺度略加添正 尋有博士商盈孫祭酌典故更造鐘聲其後五代 韓琦所奏一切皆令停罷盡復祖宗舊制 便改正應于李照會請添損者並違經背古乞如 歴代名臣奏議

欠己日前公前

金岁也因白書 景德中李宗諤一次修飾至燕肅凡經三度磨鑢 比王朴時已自不同況和峴滅定後又經真宗朝 意說妄製作不經今若陛下且以考舊典差近法 明備要之沿襲本京實與典禮最近非同李思率 用之薦享八十餘年雖非的然如舜韶周武法度 音律然其循器傳自唐宋歷祖宗三聖無人輕議 然俱不先立尺律律管所以後來無處根正法度 肅只據律準與鐘聲按定萬下即是此太常舊樂

者若且将李照所定石磬自太族以下刻磨長短 即可於將來南郊大禮前一時了畢不過數月便 百餘片相兼添補亦可諮合音律與鐘粗得三架 所有舊聲為李照定樂時盡底界截破壞無見存 度即乞先取景表尺裁鑄律管以案王朴律然後 亦與舊樂黃鍾以下務髴相近及將本寺磬朴二 七百餘枚係本寺收管畧加磨鑢令與聲律相協 和峴當時所定聲律高下確然可見況舊鐘尚有

たいりました!

歷代名臣奏議

景祐三年記令臣監領胡瑗鑄造鐘磬一架臣伏 十分為方分等法並與鄭康成周禮注及班固律 見胡暖晓等法能将先儒所說黃鍾管內八百一 律復古順道何所致疑伏乞即下有司速令修復 以旌善述之美 歷志古法相合自隋唐以來諸儒辨論黃鍾一 況禮樂之本出自天子今陛下天縱唇里通知音 可見功其餘絲竹諸器只是移正聲調便成雅樂

金気口匠白電

卷一百二十八

とこりョンニュー 是近代所造乃是漢魏問所用者其文曰越作朕 鐘上有篆文两行其篆亦字體古簡推本其文不 氣為飾有兩樂之制如鈴不圓正與周禮所說形 質精妙項鎛皆有漁隅上有三十六乳餘外瑑雲 雜銅內得古鐘三枚即不知甚年及是何州縣納 制相符一鐘破損二鐘尚可叩擊遂子細洗滌於 到臣與故翰林侍讀學士馮元即時驗認其鐘古 之法皆不及暖相次於雜物庫請銅鑄之時忽於 歴代名臣奏議

遂只送太常寺收係即目見在後來又蒙別差官 只下半律鐘磬甚得諮韵其時不會許當面進呈 鐘成一十六枚其胡瑗所定律尺律管比王朴鐘 子進呈後一面勒令胡暖悉依古鐘形狀製造新 鐘每面三十六乳即一鐘合七十二乳 送畫圖除三十六乳與鄭康成說小異康成以為送畫圖 凡二十二字臣與馮元商量此既古器又合經典 皇祖文考實和鐘越思萬年子子孫孫永保用享 詳定李照胡瑗等律尺管其時議者皆云胡瑗實 卷一百二十八

金丘匹庫全書

古然比舊樂又近法度如更使諸儒器加論討庶 臣以為胡瑗之尺黍雖有長短大小之差未盡合 **俞之黍或有小大不同以為未盡合古遂抑而不** 管使諸儒極意論難從其長者定為尺法然後作 樂之日獲此古鐘乃是瑞應因此若便定律尺律 行至杓八百一十分之法則盡以為然無有非者 鐘石以聲之有何不可而前來議者固執李照不 可施行而合雅正矣臣又竊謂陛下用心詳定雅 上 こうないいんを

欽定四庫全書 法之器以為此樂已經郊祀天地不可輕改更候 有知音者然後改之且祖宗舊樂相傳八十餘年 謬也臣以為陛下既自明律度不須更以知音為 傳後代取笑千載此亦陛下站然可判議者之大 輕改之憚今欲依據經典裁正律度反以為更俟 經真宗東封西祀一旦李照狂安率然敗壞却無 言夫知音自古難得非獨令也若世無變牙則且 知音假如今世遂無知音則是李照不經之器便 卷一百二十八

當以法自據雖有清濁萬下其失不遠故臣願陛 宫中重加校定陛下因以餘暇親臨制决泰定求 擇其中者差一二精力宦官及左右一二信臣於 寸寸定求尺尺定則律度量衙四物皆正矣然後 試以新管埋地候氣氣候若應此二不謬也然後 依古法將新尺試以推步晷景若合此一不謬也 下只将胡瑗八百一十方分之法詔取上黨種泰 可以遂班天下明告以律度量衡之法因之修定 世やいいる大

| 欽定四庫全書 語貴要暢盡事理是敢直說本末 病假既不獲乞上殿面奏令來事涉辯論不敢修飾文 右具如前臣以儒史為業合為文辭敷啓又緣臣久在 呈 禁中忘記當時進呈圖樣令再畫到一本随状進 **愿而定之亦千載不刊之美也其有先獲古鐘恐** 濟然此一事雖非朝夕急政陛下能以萬幾之暇 雅樂韶當今稍知音律經術者同加討論事無不 老一百二十八 歌定四車全書 一 於一方金石設縣屢易其數目轉縣十二以至編縣二 其實至就有定論告伶倫命律初無配類后變典樂唯 還相損益諸儒駕說各自名家擾據經師資為辨博較 本乎律吕播為音均用在極和要歸協雅而短長清濁 取克諮究理益深後人致惑原聖人立樂之意宣獨執 書馬某等詳定聞奏者右臣竊以作樂制器取象非 祁乞減編磬事奏曰准中書送下監鑄編鐘所李照状 為乞減編鐘十六為十二事狀後批奉聖旨送修撰樂 歷代名臣奏議

合鐘齊務要和聲祭其用心良亦精密且又請改編鐘 音莫傳其業今止以照素識音律使校定大樂照又調 非周朝樞密使王朴當造準以考聲律太常實儼和明 聲一以至於五十律聲一倍以至於三倍或減半以為 無辨不足以備問對擊者之度第循其故獨何曉於是 得或偷數而無害變均度與應和為經工師常員雅鄭 十四益八音之器因物制宜歷代相沿逐多創述若紋 亦經參校論者以為尺度太短雅聲過萬自此少能知 老一百二十八

而定焉 大巴马草 上 事不師古之戒臣考視圖載皆有趣義願聖上覧其意 失傳下議以詢博求至當況禮樂之大典方太平而後 次執鼗次執鐸次執鋳次執鏡次執相在左次執雅在 四人左執干右執戚離為八列又別使工人執旌居前 祁論引武舞所執九器各有所用奏曰臣案武舞六十 十二以為與律數而足但學者多所未問習周官或乃 備若並采衆說則有會禮聚訟之煩若遽更古法則有 歴代名臣奏議

之容節導於鼓通於鐸和於鎮止於鏡輔於相陔於雅 謂輔樂也雅者所謂陔歩也夫劈于鐃鐸在周鼓人四 金发电压台量 金之奏以和軍旅也武舞象功故得以軍器參馬是舞 謂通鼓也鎮者所謂和鼓也鏡者所謂止鼓也相者所 細故輩作旅進無有先後且鼗者所謂導舞也鐸者所 右各分行夾引至樂作舞入則自鼗而下咸振作之舞 詳鼗鐸之設義不虚生益舊史禮經但舉其凡不言其 工定位而止及舞将退又振作之舞工畢出而止臣竊 卷一百二十八

馬進退不倫終始無別臣雖不習故事竊以私意處之 義可見矣寧有導舞方始止鼓參馬止鼓既搖通鐸亂 節之及舞之將成也則鳴鏡以進行列藥雅以防女武 謂當舞入之時鼗鐸以先之鎮以和之相以輔之雅以 職曰鳴鏡且卻斯之謂矣如此則光協樂意無復舊職 各分左右與舞俱出其鼗鐸轉相皆止而不作故司馬 祁乞別撰郊廟歌曲明述祖宗積累之業奏曰歌詩之 興尚矣自陶虞而上書逸其傳商頌縣有存者而周詩

極也孤秦亂則禮亡樂缺速漢六世始立樂府米詩夜 大備竊聞班固之論也以為商周雅頌上本有城姜娘 欽定四庫全書 太妙作合之德乃泊成湯文武受命武丁成康宣王中 誦多舉司馬相如之属造為詩賦器論律品以合い 塞乎天地之間使後世子孫有以祖述稱領而據之無 褒揚既信美矣聲始歌詠而施及金石洋洋渢渢遂盈 興下及輔佐伊尹周召太公申伯召虎山甫之属靡不 降息履敏而高稷始生玄王公劉古公太伯王李姜女 巻一百二十八

相變盛德之音浸以失章史官追慎深抵其非南北覇 之調然其郊廟歌詩未有祖宗之事又不制雅樂有以 正禮官又非風儒故老制作之懿久無聞爲雖薦侑大 千載紹業受命之始日不暇給故未遑協律之事而樂 亂正聲兼失或入河海或淪坑谷宋興承五運末流繼 麗不逮鄭王不入雅累句庸音商周之風衰馬安巢挺 烈詔禮於野綴樂於旒然至郊廟詠歌亦止一時之事 雜音謠哀怒儷篇促節以雕蔚相於唐家界盛頗憲前 20.17:20 2011 歷代名臣奏議 <u>+</u>

助祭但習容典不知王紫之艱難誠可畏也臣朴野菊 禮別製辭曲然皆襲沿舊體未始改為遂使祖宗耿光 舒定匹库全書 士無離傷邦用底定罷諸道節度以絕僭萌收天下精 亡以點不端東繆具該右樣蜀壘大去荆雌變伐蕃首 微不速故實竊惟太祖武皇帝推閏位膺正統撥亂侮 <u> 盛烈幽伏稿簡天命靡昭以為神羞而武穆文孫春秋</u> 吏綏靖萬國飲才感官內經百度平租射籍以賙四人 兵以強京服太宗文皇帝鋪敦武旅遂定并汾分遣良

次是四重全島 一然而不念細故許其歡盟休寧北方於今是賴而又進 **贬成讓德卒罷封禪肆我真宗紹休聖功於時匈奴穿** 功文德在民耳目尤祥極瑞非人力所至者鋪禁發揚 歌但紀寅恭淳濯之細不推積德累功之本千品萬官 妙道廸靈篇柴奉高濟汾河景光瑞福歲穀倉習臣所 靡所寄言故臣願陛下萬幾之餘取三聖實錄撫其武 不能盡道商之發祥周之監觀方茲沒矣然而清廟詠 塞侮畧邊郡一戎啓行射殪名首六嬴遁去厥角請罪 歷代名臣奏議

鼓雪鼓奏於方丘以祀地也路鼓路鼓奏於宗廟以格 臣案周大司樂之職雷鼓雷鼓奏於園丘以祀天也靈 祁論太樂署雷鼓靈鼓路鼓備而不擊及無三鼓奏曰 美超唐軼漢遂歸三代寧不盛耶 濟世之勤子孫無滿假怠遑之志臣下有祖述奉揚之 使言質而易曉理懿而行遠俾天下昭然知祖宗造邦 となり とうしんごう 属頌聲使被金石尚體要而去浮麗根中和而矯淺誣 作為歌詩別詔近侍畧依生民公劉猗那長發之比裁

一次足四軍全書 中作柄雷鼗柄各四枚為八面靈鼗柄各三枚為六面 關尤甚益上襲五代机敝失傳有司持循罔暇論討臣 縣之內備而不擊夫有鼓無對於禮已關設而不用在 樂之漸故兩施無嫌也國朝崇薦郊廟但各設鼓於樂 則器備禮完神祇來格矣舊該鼗者如鼓而小以木貫 天之際其鼓若鼗皆使縣工播而擊之用諮音節如此 以為可詔本署稽舊典訪遺法作為三鼗以備大樂祭 祖也歷代用焉著為樂令然則小鼓為大鼓先引得作 歷代名臣奏議

者或三尺其端有空漆畫之以兩手築地令並於宮縣 築地為之節及應雅也明不失禮也大五寸長七尺短 德中李宗諤所進樂纂革部中著春牘其說曰周禮笙 手擊鼓云 以通雷鼓靈鼓路鼓掌鼓之工每面一人左手播鼗右 師掌教春牘應雅以作裓樂賓醉而出奏滅夏以三器 路鼗柄各二枚為四面旁以結皮為耳搖之還自擊也 祁論大樂署有春廣之名而無春廣之器奏曰臣觀景 卷一百二十八

名以為空說矣 然檢數著令及舊史其文武二舞諸工所用但有鼗鐸 著於樂祭耳臣謹采三禮圖所畫春贖之状大器可晓 籍則明著春贖而說與樂篆相符又景德樂工於今多 **篲鏡相雅干戚篇翟等器不著春牘則知後人誤采古** 在詰其所以乃云恐宗諤論著之時止愚本署簿文誤 祁論等及巢笙和笙奏曰臣奉詔與太常臣縣肅等圖 舞樂中用臣比徧問樂工言初無此器及責其樂器之

とこうる だら

歷代名臣奏議

也其長四尺有餘三十六管列管奏差及曲頸皆為風 **鳳笙一種樂工言此古器令不可用推驗形製乃古学** 奏定二義管悉貫勢中今為十九管臣會索於樂署得 移徙左右用為小異其巢和二笙在景德中李宗諤又 和三種併為一器皆取胡部十七管笙為之但以宫管 畫太常樂器以備呈覽至勢部有等及果笙和笙共種 **鳳翼災笙十九簧和笙十三簧令据大樂諸工以字巢** 案指就等長四尺二寸三十六簧官管在中形参差像

金红四届全書

卷一百二十八

· 古虞舜命后夔典樂教胄子其言曰詩言志歌永言聲 上胃子出於公卿聲工皆有明徳其為樂可以道古其 依永律和聲遊亦曰於予擊石拊石百獸率舞自周以 祁論精選太常樂工及募能知音者備太常官属奏曰 以合正聲華應舊製傳曰放鄭聲謂此物也 華易當今署工所用淺俗范憑之器勿令亂雅并案等 為無用之器臣以為可募知音者修復古学以合正聲 7/ 1. 10 int /iti 飾其空悉在管外歲久不治有管無簧令但秘而存之 歷代名臣奏議

成八十四調儼又著大周正樂一百二十篇雖廣而不 墜韻哀合遺器累黍定尺造準寫聲求七均叩五音以 日有足稱道自梁記周尋亂不厭猶使王朴實儼緒求 張文成祖孝孫雖未能考正中聲以盡善美其推本律 士人則漢有京房魏有杜變晉有首弱隋有鄭鐸唐有 政移諸侯制度陵僭音曲緩靡然且晉有師曠魯有師 為舞可以動容故能來格祖考而同和天地道衰官失)判南北之風執商齊之宜援古驗令若符合節其後 卷一百二十八

責於何有比來諸工尤為淆混或坐區買子或力穩農 於定四華全書 一 國矣朝家丕纂謨烈咸事俊良必不借才無容慙徳顧 **兀如墻面雖海以六樂教以二南亦不能諧神祇和邦** 精敏之人後之所以為工者皆與廝之賤古之所以總 要雜而無類苗秀相敗雅鄭同僻然禮失而求野或有 司者材堪則任後之所以總司者官達則遷樂不逮古 可采而宋與達者尚未聞馬臣謂古之所以為工者皆 人茍避乎丁咸求著籍未識所習沉責所聞族居州處 歷代名臣奏議

情可教者使滿定員明立軍條以判勤情如此則不過 武坐且或失傳漢準具存律家莫能取定又況年 裸綿 所長以備闢典又按舊令太常諸工取年十八以下姿 雅領奚由致哉臣願陛下明下詔書且募天下知音之 求之任之未至耳且一日失官尚及於死三年廢樂會 曠器用淪亡賢者恥而不精鄙夫濫以安處而望樂正 人秩以微禄使備太常官属縣其歲限漫使討論擇其 何不壞古有其人則樂舉無其人則樂息昔周官盡在 金安中历人 卷一百二十八

一次定四事全書 | 年十二月晦大雨雪大風宮架輒壞元日大朝會樂作 舊樂用新樂以來及今四五年日食星變冬雷秋雹風 嘉祐元年知諫院范鎮上奏曰臣伏見國家自廢祖宗 輕用新樂也不然何以方樂作之時而陛下疾作天意 十稔官修事備以須陛下功成作樂矣 而陛下疾作臣恐天意以為陛下不應變祖宗舊樂而 動則已樂而有所感動則眾異之至未必不由此也去 雨不時寒暑不節不和之氣莫甚於此者使樂無所感 歷代名臣奏謀

故律之法曰凡律圍九分凡律者言十二律也故黄鍾 施用不可淹久不決竊惟衆樂之和以律與金石為本 及今兩月未聞奏上伏緣逐時祠祀及九月恭謝皆所 有如可采伏乞且用祖宗舊樂以與異時別加制作 警陛下之深自初議樂時臣當論新樂非是其間畫一 衆多乞且用祖宗時舊樂已蒙下两制及臺諫官參詳 鎮又奏曰臣近奏國家自用新樂以來風雨不節災異 通最為詳悉今再具進呈乞下執政大臣參詳臣畫

圖七分九釐五毫十二律圍徑不同則積實損益不通 次足四東台馬 外之長短有損益而內之積實無損益此律之法非是 無射徑二分八釐圖八分四釐應鍾徑二分六釐五毫 日太族夾鍾姑洗仲日終實林鍾八律皆径三分四釐 六毫圖十分三釐八毫夷則南吕二律徑三分圖九分 分損益之而十二律積實相通矣几年國九令黃鍾大 三分損益之而十二律長短相形矣自八百一十分三 徑三分圍九分長九十分積實八百一十分自九十分 歴代名臣奏議

聲也而今之鐘皆編制又平擊之故其聲帶而不出雖 輕重大小之別又古之鐘皆團制而側擊之所以出其 也古之鐘有大小則容受有輕重故實黃鍾之重二釣 為鐘故云如鈴而不園今以稱為不園以似鐸為如鈴 容二千龠自二千龠二釣三分損益之而十二鐘大小 之鈴不園故有两角問競按鈴之状本園安其两角以 輕重容受殊矣令之十二鐘一以黃鍾為率而無容受 出其聲然亦非周之制也周禮疏云應律之鐘状如今亦有平繁者然空其柄以周禮疏云應律之鐘状如今

金岁中是白雪

卷一百二十八

處參詳所貴易為曉正 CALIDING JILI 四年翰林學士王珪上言曰昔之作樂以五聲播於八 律與金石之法非是樂所以不和也乞令等官考校十 長短為法也今之十二聲皆以黃鍾為律博九寸股 所以聲鬱而不發此鐘之法非是也古之磬以一律為 二律積實分損益之數并臣今状下两制及臺諫官 尺八寸鼓二尺七寸而無長短之別此磬之法非是也 之博二律為之股三律為之鼓謂十二磬各以其律之

歴代名臣奏議

失而合八音之和於是下禮官議而堂上始置祝歌 堂下各有祝敌也令陛下躬祠明堂宜詔有司考樂之 **匏土華而無木音夫所謂祝飲者聖人用以著樂之始** 用既云下而擊鼗知鳴球與祝敌之在堂故傳曰堂上 終顏豈容有缺耶且樂莫隆於韶書曰憂擊是祝敔之 虧未知其所以為樂也今郊廟升歌之樂有金石然竹 音調和諧合而與治道通先王用於天地宗廟社稷事 金 反 四 库全書 于山川鬼神使鳥獸盡感況於人乎然則樂雖盛而音 卷一百二十八

Raid Sitis 無故不去琴瑟弦歌雅頌之音洋洋乎流于族黨鄉州 氣僻情得接焉古之天子諸侯卿大夫無故不徹樂士 雅正之聲等生氣之和全其天理起其善心而不使邪 其外作樂以理其中發於詠歌律日播於金石管經調 有喜怒哀樂之情心術所形随感而動動而無節則必 之中民共聞之莫不油然有易直子諒之心慈愛肅在 有溫供詐偽之心勃亂暴慢之事是以聖人立禮以文 仁宗時張方平上雅樂論曰臣聞人函陰陽五行之氣 歷代名臣奏義

世議完補然登歌下管既非實饗所用崇牙樹羽徒為 驕放古者所以與理後世更用致亂馬其雅聲金奏雖 北兵徇煩多雜之以巴吳揉之以胡羯耳目熒潰心志 棄先王之樂用變亂正聲秦漢已還承習備用魏晉南 白周衰王道丧敗禮壞樂散諸侯各獨所好國異其俗 樂謂其感人之深也教化治世之要必夲於禮樂焉及 而鄭衛熊趙秦齊楚越淫遇凶慢傲僻促數之聲作斷 之意是以天下和悅禮義有序故曰移風易俗莫善於

金员四届全書

卷一百二十八

序而萬民協漢氏敘得人之盛而協律在乎儒雅質直 **賛威事少神景化者臣聞昔在帝舜命變典樂教胃子** 鬼格施之朝廷而君臣正展之律吕而陰陽和作之庠 極通教化者世其官業通其精義故能用之祭事而神 京廟下以美風俗者也臣愚鄙不達樂意寫思有以仰 一備物之設惟於郊廟擊拊成禮而已問者伏聞朝廷招 周官大司樂掌成均之學政至於師胥瞽矇皆用有道 集諸生考正雅樂益國家深惟治本修起頹廢上以尊

C 4. 17 1.31 Jist

世代名臣奏義

間蒙好賜聫翩美位朱紫垂章者亞肩于朝其太樂諸 有翰林之署其琴弈書畫一藝之微者莫不厚賦原稍 |意乎今夫執技以事上者歷象則有司天之監醫藥則 雜居里巷國有大事輕集而教之禮畢随散則其藝安 得而精褻慢三靈誣黷典禮豈人君處奉天地祖宗之 金佐四庫全書 關內侯適子方為舞者歷代而下樂府令丞多用士人 之列又漢制甲者之子不得舞宗廟之酎取二千石至一 臣伏見太常樂工率皆市井問問屠販末類猥惡汙濁

士以充其選擇衣冠之後或設為官麼若漢太常弟子 交接天人之具用則天子蘇戒被法服儀典成具而後 立太樂署署依司天監為之官次秩序補用知鍾律之 之音者數今幸得朝廷與起古道較定鐘石臣謂宜特 以人望太常之門徑趨而過矣又何暇一傾耳乎鐘磬 設之是其於邦國之禮誠重矣而乃蓄養之至薄習隸 工真古者大夫士之職也所習者先王所以風化天下 たとりしている 之至簡會不得齒乎醫卜雜藝之末以霑一命之禁是 歷代名臣奏議

七至王朴實儼始加詳造太祖皇帝每謂雅樂聲高近 1舊樂令兩制禮院詳定聞奏臣竊以五代多故大樂淪 蔡襄乞用新樂於郊廟割子曰臣伏親朝旨南郊且用 以風示天下化民廣教則庶乎神人接洽上下恭順正 之所使得備金石之樂春秋釋真行射鄉之禮則奏焉 馬以奉郊廟之饗以盡孝恭之誠其天下有學校库序 為立選限如太廟蘇郎室長之制領属太常使專隸習 四氣之和奮至德之光民知鄉方而人倫清矣謹論

金分中屋台書

卷一百二十八

書雖有舊說施於制器自己不合延者两制諸儒參議 釋經義設司制作垂二十年其費鉅萬然周禮史記漢 當時雖認許施行然未當制作樂器至今所用皆王朴 次足四事 A 新 **畢與觀聽工作精好聲律和暢陛下審慎再令詳定臣** 約古制減下一律其功甫就陛下親御便坐按閱侍臣 舊物伏惟陛下紹隆祖考精意禮樂博延天下儒者尋 定尺加四分遂造十二律管校其聲下朴所定樂一律 於哀思不合中和因認和與討論以影表尺比王朴所 歷代名臣奏議 Ī

!

能盡及於古比之令樂器精而聲和若施之郊廟肆於朝 垂法必以考周舊典以求古樂自秦漢以来其說已必 之明驗故可用而無疑也臣聞聖人制禮作樂皆因時 緣飾之文時有異同至於聲律本無他說四也以四者 寫謂今來皇枯累黍尺與影表尺同不異古制一也減 金贝巴历人 况其形制聲律豈能盡傳幸今所存者畧可依做雖不 一律之旨三也前來諸儒或有異論只於形制小大與 律歌者協聲近於中和二也上符太祖皇帝減下

會亦 於定四車全書 | · 政殿觀新樂近又聞聖旨以将來南郊且用舊樂令两 傑亦通儒制作所傳必貫精義按朴疏云自秦而下旋 英宗時張方平請郊祀用新樂事疏曰臣前承宣召崇 制決今南郊南近若衆論一有未合則屏而不設是陸 定尺此空論也伏望聖斷特許施行 下二十年精求之心一旦又復捨去必天降柜泰然後 詳定仗以後周律本王朴實儼之所考正朴既人係 時之盛事臣見前代諸儒議事未始一定多亦 歴代名臣奏議 古

|其餘八十三調於是泯絕世宗臨視鐘處患雅聲淪替 而已然竹匏土僅有七聲雖黃鍾之宫一調亦不和備 二轉鐘不復通其音律朝循環而擊之編鐘編罄具儀 |太宗用祖孝孫張文牧考定雅樂而旋宮八十四調復 自りてんという 詳酌終不知其制度梁及後唐晋漢缺壞尤甚至于十 見於時唐末之亂二器都盡購募不獲文記亦亡集官 官聲廢自漢至隋垂十代凡數百年所存者黃鍾之宫 調而已十二律中惟用七聲其餘五律謂之啞鐘唐 卷一百二十八

大王日尾公言 -黄鍾九寸管令工人品校其聲果下於王朴所定管一 尺短四分樂聲之高良由於此乃詔依古法創新尺并 和現審詳其理與言王朴泰尺較西京銅望泉古制石 初因之後太祖以雅樂聲商近於哀思不合中和因記 |聲為均旋官之聲火絕由朴而復出遂命太常按習國 三經分尺寸設柱以準十二管之聲十二聲中旋用七 今樂録令加討論朴遂依周法以秬黍定尺作律準十 乃命實儼考詳八音粗加和會以朴通於律歷宣示古 歷代名臣奏議

備在周王朴雖造律準畧定八音爾時世宗方經畧四 方用干戈征伐日不暇給蓋但編次舊器考擊粗諮會 為大事故孜孜訪建必欲盡其精要考音制器益已詳 議論不經製作乖方尋亦廢罷聖心深惟治本以禮樂 度陛下自景祐已來講求樂事於時李照輩各率所見 既而親臨閱之亦先以律準定鐘石自是樂府沒有制 言太常樂器多損音律不調先皇命李宗鍔考較課習 律遂重造十二管取聲自此雅音和暢景德中御史上 金分四周分書 を一百二十八

精微之致儒生學者按文泥古獨於形器制度之間而 聲音之妙非淺學所及應於耳而通於心然後能達其 心成聲於物聲既和而反感於人心者也先王以是交 之遺意先皇之遠懷夫又何疑成而不用夫樂本於人 不能知律日本於自然之道音官藝人記其搏拊節奏 而已藝祖韶和明重定律尺亦未當有所改造也今陸 下既合衆議新作金石試之廣廷聲律又協此乃藝祖 人神變風俗其用大矣然歷代之審音者常鮮其人又

欠已日年 在十二

歷代名臣奏議

天一

日歌不永言聲不依詠律不和聲謹按虞書日詩言志 神宗元豐二年太常禮院主簿楊傑上言大樂七事一 煩遇事謙損以稽盛節 地薦祖宗以伸陛下之孝誠則積年之勤亦不虚設無 日近乞令太常勒工人按肆新器使益精習用之禮天 縱也外廷諸臣不足以仰望清光預制作之議令郊祀 之序而不能知教化之原臣往年曾蒙宣示樂府要基 金月口屋日書 竊以蒙昧妄為注解即知聖心之於樂律通達本於天 卷一百二十八

次已四年在馬 聚失之則長木聲無餘失之則短惟人禀中和之氣而 聲温潤失之則輕土聲函胡失之則下竹聲清越失之 |聲金石然竹匏土華木八音克諮無相奪倫然後神人 益歌以永詩之言五聲以依歌之詠陽律陰日以和其 則高絲聲纖微失之則細革聲隆大失之則洪匏聲叢 而更相奪則神人安得和哉且金聲春容失之則重石 以和也若夫歌不永言聲不依詠律不和聲八音不諮 歌永言聲依詠律和聲八音克諧無相奪倫神人以和 歷代名臣奏議 主

随歌故曰依詠律召協奏故曰和聲先儒云依人音而 聲歌一言遵用永言之法且詩言人志詠以為歌五聲 之失故古者升歌貴人聲八音律吕皆以人聲歌為度 金发口压人 以一聲歌一言言雖永不可以逾其聲如大善曲肅 有中和之聲足以權量八音使無重輕高下洪細長短 五聲之類、茲所謂歌不永言也伏請節裁煩聲以一 聲律最為和協 今夫歌者或詠一言而濫及數律如南黄仲四聲歌之今夫歌者或詠一言而濫及數律如 字兼夷黄四峰 或章句已関而樂聲未終如正安曲安曲至誠感神一或章句已関而樂聲未終如正安曲 巷一百二十八

掌金奏凡樂事以鐘鼓奏九夏益周樂合奏以金為首 和且平依我罄聲益商樂和平以罄為依也周官鐘師 也二日八音不諮鐘磬簫開四清聲事謹按虞書日蕭 |聲和律非古制也伏請詳定大樂以歌為本律必和聲 也是鐘磬簫者衆樂之所宗為聖帝明王之所貴數十 部九成鳳凰來儀益虞樂之成以蕭為主也商頌曰既 祭祀樂童並随月律聲不依詠以詠依聲律不和聲以 制樂託樂器以寫音樂本效人非人效樂此之謂也今 建七二五年

一欽定四庫全書 何從而諮即今巢笙其管皆十有九以十二管發律品 四聲是有本而無應有倡而無和者四十餘年矣八音 又日子聲也自景祐中李照議樂以來鐘磬簫始不用 聲輕清本聲為君父應聲為臣子故其四聲或曰清聲 且十二者律之本聲也四者律之應聲也本聲重濁應 十六為數示天子之樂用八鐘整簫倍之以為十六矣 周禮編鐘編磬及大周正樂三禮圖編鐘編磬簫並以 有六其所由來尚矣漢得古磬十六於犍為郡鄭氏注

蕭笙阮筝筑奏一聲則轉鐘特聲編鐘編磬連擊三聲 伏請参考古制依巢笙例用編鐘編磬篇之四子聲以 之本聲以七管為律日之應聲用之已久而聲至和協 音克語無相奪倫此之謂也今大樂之作琴瑟塌箎笛 諸器皆以其聲應也既不可以不及又不可以有餘八 之以八音八音雖異其所以應律則一也故樂奏一聲 諮八音三日金石奪倫事謹按大司樂文之以五聲播 戾於衆樂中聲最煩數而掩壓衆器求其所謂無相查 歷代名臣奏議

是大武之舞六成象周德之成矣國朝以謙德受禪郊 依衆器節奏不可連擊三聲所貴八音無相奪倫四曰 倫不亦難哉伏請詳定大樂其鎛鐘特罄編鐘編磬並 廟之樂先奏文舞次奏武舞其於武舞也容節六變一 也又曰武始而北出再成而滅商三成而南四成而南 王之事也發揚蹈厲太公之志也武亂皆坐周召之治 舞不象成謹按樂記曰夫樂象成者也捻干而山立武 國是疆五成而分周公左召公右六成復綴以崇天子 卷一百二十八

殊無法度故曰舞不象成也伏乞參考樂記象成之文 節奏謹按孔子語魯太師曰樂其可知也始作翕如也 詳定二舞容節及改正所向以稱成功盛德五曰樂失 進退俯仰不稱成功盛德差失其所向而又文舞容節 兵還振旅所向宜北而南矣今夫舞者非止發揚蹈厲 歸所向宜南矣五變象功蜀納款所向宜西矣六變象 北矣三變象維揚底定所向宜東南矣四變象荆湖來 變象六師初舉所向宜北矣二變象上黨克平所向宜 壁代名臣奏議

以於地示乃奏姑洗歌南呂舞大養以祀四望乃奏教 鍾歌大呂舞雲門以祀天神乃奏太族歌應鐘舞成池 稽考孔子之言詳定大樂節奏六曰祭祀事無分樂之 殺往來無級曷聞所謂拿如純如皦如緣如者乎伏請 緒之不窮也夫然後成今大樂之作聲不齊一節奏混 然如眾羽之合縱之終如也節奏明白皦如也釋如也其 序謹按大司樂乃分樂而序之以祭以享以祀乃奏黄 縱之紀如也皦如也繹如也以成始作翕如也始作翕

金足四库全書

卷一百二十八

導宣發陰陽之氣而生成萬物哉故曰祭祀享無分樂 射秋享后廟不歌小日既不能奏律歌日順陰陽之合 **賓歌林鍾舞大夏以祭山川乃奏夷則歌小吕舞大獲** 以格上神而又無專祀四望山川用樂之制則何以賛 祀天不歌大日夏至祭地不奏太族春享祖廟不奏無 陽之合也順陰陽之合所以交神明致精意也今冬至 衆作之謂奏詠以人聲之謂歌陽律公奏陰日公歌陰 以享先她乃奏無射歌夾鍾舞大武以享先祖夫金石 こうご 歷代名臣奏議

置而不講考擊奏作委之賤工如之何不使雅鄭之雜 律吕中正之音以示萬世揚雄曰中正則雅多哇則鄭 有色而易別雅鄭無象而難知聖人懼其難知也故定 雅謹按孔子曰惡紫之奪朱惡鄭聲之亂雅樂然朱紫 雅樂古器非不存也太常律吕非不備也而學士大夫 之序也伏請依周禮分樂之序以奉祠事七日鄭聲亂 耶伏請審調太常鍾琯依典禮用十二律還宮均法令 又日黃鍾以生之中正以平之確乎鄭衛不能入也今

銀定匹庫全書

卷一百二十八

十二均圖一卷備載律品宮調又各取本宫樂章一首 官架在庭更不無設琴瑟匏竹更不真之於林其郊壇 所詳定伏請每遇親祠宗廟歌者在堂更不兼設鐘磬 傑上堂上鐘磬議曰准中書割子節文詳定郊廟禮文 附於篇以圖考聲則雅鄭昭然别矣 上下曉知十二律音則鄭聲無由亂於雅也今著大樂 一段定四車全書 一 受擊鳴球搏拊琴瑟以詠此有虞堂上之樂也下管数 上下之樂亦乞依此正之有司攝之准此謹按虞書曰 歴代名臣奏議

禮曰升歌清廟詩曰清廟祀文王此有周堂上之歌也 物之治堂上堂下八音各備而互見之不可關也又按 一磨者諸侯樂不備也是知堂上象朝廷之治堂下象萬 明磬亦在堂上故漢魏以來登歌皆有鐘磬與禮無鐘 云歌者在上貴人聲也左傳曰歌鐘二肆則堂上有鐘 也大射禮鐘磬在庭今鳴球於廟堂之上者按郊特性 鼓合止枕敌笙鏞以問簫韶九成擊石拊石此有虞堂 下之樂也正義曰球為王嫠商頌云依我聲聲亦王磬

| 飲定四軍全書 通堂上之樂所以象宗廟朝廷之治堂下之樂所以象 傑奏請太廟殿上鐘磬状曰右臣伏聞聲音之道與政 舊設琴瑟其勢竹不異於牀即乞依禮文所奏請 乞壇殿之上依舊設鐘磬其官架下降神之樂亦乞依 瑟則宮架內琴瑟不可去矣所有祀郊及有司攝事伏 禮矣此有周廟中降神之樂也降神之樂既有獻之琴 大司樂路鼓路鼗陰竹之管龍門之琴瑟九德之歌 九聲之舞於宗廟之中奏之若樂九變則人鬼可得而 歷代名臣奏號

鳴球之義倭王磬成日先用之於太廟殿上以稱陛下 轄修製朝會殿上王磬曾於去年具奏乞依虞書曼擊 樂之和平依乎整聲則鐘磬安可關哉臣作蒙摩旨提 詩曰既和且平依我於聲是知樂之號令自鐘聲而立 馬臣職在禮樂不敢不言謹按禮曰鐘聲壁毀以立號 堂上之樂則關鐘磬在宗廟朝廷之治八音有所未備 實一也今太廟之樂堂下具八音萬物之治可謂周矣 萬物之治堂上堂下用樂雖殊八音克諮各不可關其

卷一百二十八

大コンコョニ かいまう 歴代名臣奏議 也王朴之樂其聲太髙此太祖皇帝所嘗言不俟論而 鐘磬凡三等王朴樂一也李照樂二也胡瑗阮逸樂三 考以致和平上自朝廷下及萬物咸被福祐臣不勝亡 依古復用殿上鐘磬所貴發揚至音號令衆樂以格祖 成伏遇春陽發生之時太廟孟事之日欲乞出自聖斷 稽古奉先之志尋蒙付外未奉朝旨施行今雖王磬未 三年秘書監致仕劉几等上奏曰臣等伏見太常大樂 孟

鐘正與李照樂之太族相當王朴阮逸之樂編鐘編磬 盡用矣今以三等鐘磬參校其聲則王朴阮逸樂之黃 如改製下律鐘磬清聲乃可用益驗王朴鐘磬太萬難 用王朴樂樂工等自陳若用王朴樂鐘磬即清聲難依 一祐中胡瑗阮逸再定大樂比王朴樂微下而聲律相近 聲是時人習舊聽疑其太重李照之樂由是不用至皇 後明仁宗景祐中命李照定樂乃下律法以取黃鍾之 及鑄大鐘成或讓其聲拿鬱因亦不用於是郊廟依舊

金岁巴屋台書

卷一百二十八

聲以詠之其聲清不太髙重不太下中和之聲可以考 黃鍾大日太簇夾鍾之四清聲俾衆樂随之歌工魚清 **參於律者增以王朴無射應鍾及黃鍾大日清聲以為** 古制也聖人作樂以紀中和之聲所以尊中和之氣清 欠己の日白日 其和乃中和之謂也臣等因精擇李照編鐘編磬十二 不可太高重不可太下使八音協語歌者從容而能永 各十六雖有四清聲而實差黃鐘大日之正聲也李照 之樂編鐘磬各十二雖有黃鍾大吕而全關四清聲非 歷代名臣奏議

相若用角則刑用羽則戰故季夏土王宜禁角羽盛德 戰故夏禁商羽盛德在土宫聲乃作得徵而生以商為 火徵聲乃作得角而生以宮為相若用羽則刑用商則 以徵為相若用商則刑用宮則戰故春禁宮商盛德在 神宗時大司樂劉民上言曰五行之氣有生有克四時 其可用者用之其不可修者則定從而別制 矣欲請下王朴樂二律以定中和之聲就太常鐘磬擇 金分口尼白潭 之禁不可不領示天下盛德在木角聲乃作得羽而生 巻一百二十八

共行月令所載深切著明者也作樂本以導和用失其 欧定四車全書 一 侍御史陳襄上疏曰臣謹看詳古者先王用樂皆有上 在所領則協氣粹美釋如以成詔令大晟府置圖頌降 宜則反傷和氣夫淫哇殺雜干犯四時之氣久矣陛下 親灑宸翰發為詔旨淫生之聲轉為雅正四時之禁亦 為相若用宫則刑用徵則戰故冬禁宫徵此三代之所 則戰故秋禁徵角盛德在水羽聲乃作得商而生以角 在金商聲乃作得宮而生以羽為相若用徵則刑用角 歷代名臣奏議 둧

亦有四馬曰升歌曰下管曰間歌曰合樂儀禮無禮鄉 樂關睢鵲巢皆三終是也大射禮則有升歌下管而無 間注間送也謂二者送奏也曰簫韶九成注簫見細器 之樂也曰下管鼗鼓合止祝敌注堂下樂也曰笙鏞以 間歌合樂鄉射禮則有合樂而無升歌下管間歌用於 之備備樂九奏而致鳳凰言其樂之盛也周之樂其節 射禮有工歌鹿鳴笙入奏南陔間歌魚麗笙由庚合鄉 下之節為虞書曰憂擊隔球搏拊琴瑟以詠注舜廟堂

1.7

應乎下和之至也今者升歌堂上乃設編鐘編整二 者在下金石次之貴人氣也工歌作而後勢竹與勢竹 たかりゅうなり 以樂致鬼神示宜其以六律五聲八音六舞合而奏之 合樂者天子諸侯禮故有問矣曰大者又加備兩王者 會實客之交故其樂備鄉飲酒禮曰合樂於周禮曰大 射而其樂故畧也無禮鄉飲禮四節備者主於君臣之 與而後播鼓鼗擊鐘磬以應之故曰禮交動乎上樂交 無所遺也故樂之序歌者在上琴瑟和之貴人聲也吹 歷代名臣奏議

達云天子薦時歌清廟及徹歌雅明薦衛皆用升歌而 官架而工不登歌又皆疾於古矣周禮樂師教樂儀行 官架不作迎神送神沃盥復位酌獻有司薦姐則止用 間失上下之序矣皇帝升降裸堂受嘏則止用登歌而 前楹以亂人聲匏竹列於堂下而歌者乃坐於鐘磬之 金万四屋五書 鐘鼓應之也周禮內宰注薦徹之禮當與樂相應孔頡 鐘鼓奏九夏釋者云鐘中得奏九夏謂堂上歌堂下以 以肆夏注為人君行步以肆夏為節又鐘師凡樂事以 老一百二十八

播之以八音是也伏請宗廟之樂皇帝升降沃盥裸色 官大日為角太族為徵應鍾為羽路鼓路鼗陰竹之管 酌體受嘏復位凡行歩之節並升歌堂上而下以鐘鼓 神之樂九變官用鐘歌與安之歌舞文德之舞離大司 應之如奏肆夏之儀有司薦徹則惟用升歌而已其迎 序之以事先祖則奏無射歌夾鍾舞大武文之以五聲 龍門之琴瑟九德之歌九韶之舞其奏九變及分樂而 已餘樂不作也若迎神之樂則周禮大司樂以黃鍾為 とこり 三人二 歴代名臣奏議

哲宗時殿中侍御史吕陶奏乞不用教伶官為舞郎疏 合乎舜之蕭韶周之大合樂也 鍾舞文舞其樂皆一成 旗周舞惟薦腥之後則备上下 繁縟載在傳記可得而詳其屈伸俯仰之容疾徐進退 日臣聞樂以象德舞以明功前古尚矣三代之威憲章 金月四月在書一 之奏陳功德之舞此作諸帝止奏文舞其樂六成庶 做此,如今制一成可也若三獻之禮則奏無射歌夾見義可如今制一成可也若三獻之禮則奏無射歌夾 聲之舞和之以琴瑟播之以鼓鼓送神亦如之 雖不之歌九

舞之大用羽篇文舞之小則有羽無篇謂之羽舞武舞 徽宗崇寧七年三月議禮局言先王之制舞有小大文 教坊伶人濫充其數 博士講求漢唐以來典故裁量其宜定舞郎之制勿以 坊伶人為舞郎非極盡废敬之義臣愚伏望特詔禮官 之大用干威武舞之小則有干無戚謂之干舞武舞又 朝制作文典大備而天地宗廟之祀所用八佾尚以教 之節皆所以發揮當世之勲烈而昭示無窮也恭惟本 歷代名臣奏議

周人各立其官後世之轉鐘非特不分大小又混為一 謂之小釣其聲細故用鐘以昭其大而不用鏄然後細 其聲大故用轉以鳴其細而不用鐘以角徵羽為釣則 也然則鐘大器也轉小鐘也以官商為釣則謂之大釣 鳩日大釣有鏄無鐘鳴其細也細釣有鐘無鏄的其大 用戚乞武舞以戚配干置戈不用庶協古制又言伶州 有戈舞馬而戈不用於大舞近世武舞以戈配干未當 大不踰聲應相保和平出焉是鎛鐘两器其用不同故

多定四库全書-1■

卷一百二十八

依認可 鐘編磬其陽聲六以應律日既應十二辰矣復為轉鐘 器復於樂架編鐘編磬之外設轉鐘十二配十二辰皆 次己の軍人告! 明堂合用大樂按樂書正聲得正氣則用之中聲得中 十二以配之則於義重複乞官架樂去十二轉鐘止設 非是益轉鐘猶之特磬與編鐘編磬相須為用者也編 大鐘為鐘一小鐘為轉一大聲為特聲以為聚聲所 一年八月宣和殿大學士蔡攸言九月二日皇帝躬祀 歷代名臣奏義 平

中聲則黃鐘君聲不當有二況帝指起律均法一定大 古初無中正兩樂若以一黃鍾為正聲又以一黃鍾為 當用中聲樂今看詳古之神瞽考中聲以定律中聲謂 氣則用之自八月二十八日已得秋分中氣大饗之日 日律矣易其名為黄鍾中聲不唯紛更帝律又以陰日 日居黄鍾之次陰日也臣聲也令減黄鍾三分則入大 黄鍾也黄鍾即中聲非別有一中氣之中聲也考閱前 金以口石人門 臣聲僭竊黄鍾之名若依樂書正聲得正氣則用之中

未過而用中聲樂南吕為宮則本律正聲皆不得預欲 帝律所起黄鐘常不用而大日常用也抑陽扶陰退律 徽宗時李復上議樂疏曰臣聞治定制禮功成作樂此 謬著於樂書詔可 乞廢中聲之樂一遵帝律止用正聲協和天人刊正訛 進日為害斯大無甚於此今來宗祀明堂緣八月中氣 而用中聲也以黃鍾為正聲易大日為中聲之黃鍾是 聲得中氣則用之是冬至祀天夏至祭地常不用正聲

大百里山西!

歴代名臣奏議

與書今皆不傳載籍所言雖皆以黃鍾為本上生下生 |聲之和而播之八音又形容其成功之象也三王不相 說脫紙識其聲別其音者未之聞也夫黃鍾律之始也 隅八相生及其律管徑寸短長但糟粕耳有能遺其舊 祖孝孫張文坟考定雅正粗而未備後累經喪亂其器 地同和樂宣易知乎三代之樂七已久矣唐貞觀中 沿樂豈茍為異哉治世成功各不同也記曰大樂與天 王者甚威之舉天下熙治人心忧豫發為和聲因其人

金分口月全書

代之器夫前代之器各一時之用若得漢唐之器乃漢 次との事とは 見則可矣遽以用為今日本朝之樂恐未然也晉之首 唐之樂也若得魏晉之器乃魏晉之樂也且欲求為多 物動皆有聲若造樂精微之妙凡聞其聲則知是何音 之聲也十二變而復黃鍾之總乃相旋為官之法也萬 半之清聲也倍之緩聲也三分其一而損益之此相生 知音可以議樂矣近者陛下有詔選官定樂又博求前 合何律是為正音是為變音是為清是為濁如此方為 歴代名臣奏議 罕二

象之乃欲就其下而抑之恐非也臣願詔天下廣求天 應於心方可點契祉音火南方之音也火性炎上音當 意夫知音者聞之於耳得之於心自不能傳之言遇其 又只依往昔糟粕而製器此安足以副陛下所降之詔 運膺火德獨祉音未明此固當重為考定也今聞衆議 天地感鬼神自漢以還未之聞也朝廷昔當定樂矣陛 **弱取牛鐸為黄鐘出於獨見果合於古乎樂之作欲動** 金岁已是有事 下以謂未盡美善亦不能形容祖宗之功業而又本朝 卷一百二十八

性自能知音者敦遣令赴議樂所多方以試之是誠不 大己日日 ALMIT 復見士不得聞鏗鏘況能識其義乎既不能識其義又 能紀其鏗鏘而已是時去周未幾而士大夫已制氏之 高宗時布衣韓駒上疏曰樂壞久矣昔漢有制氏者獨 見如此惟陛下擇之 重輕而製器此工匠皆能為之矣何足以為樂乎臣愚 謬共為講論庶幾其可矣若徒以舊說尺寸長短廣狹 不如然尚有一宿工以傳先王器自是先王之器匿不 歷代名臣奏議

由乎完於琴瑟之中出焉尚且有禁後世乃始增為強 前載每用憶數量圖今日親逢韶渡之作夫其目厭乎 筝擊金吹等摘鼓之戲始亂樂之器矣其萌芽時或自 問里或自夷狄至其後數則邦國亦用焉又其為器愈 心然自淫其聲者矣未有亂其器者也其為淫聲益亦 陋器耳數乎哇聲驟而示之正樂廣大怡喻高明博備 陋而愈工愈工而愈濫斯民之不復古意在斯乎永言 何知其成也且自先王之時民已不勝其自欲媮放之

金分四月全書

欽定四庫全書-其器朴其聲簡文侯以之而坐寐而仲尼以之輟內者 業君子之達亦得議其客矣夫子有言知之不如好之 好之不如樂之孟子亦言樂則生生則烏可巳古之樂 将必有成於樂者顧非愚之所能也雖然攝衣勾指受 所為哉士雖耳剽目淺比之鳥魚亦霻甚矣玩而習之 曠之属能使鳥魚下上始徒以為虚語乃今驗其然耳 固己茫乎若一游虞庭而入闕里也昔之記者以為牙 矧令之樂本明天子自興神物以為之制豈但牙曠之 是八名臣奏職

士無所易感得以養心盡性而極於道徐出其學為聖 於心見於外者不過手舞足蹈而已其妙萬物之學豈 以惑也士安得人人如顏子然而入宫則聞正樂出宫 夫以顏子之賢必不癥於鄭聲而夫子使之放懼其易 邱井田野賓婚禱祀率用是樂向之陋器一帰蕩之則 則聞哇聲其能成也希矣其能成而久又愈希矣要使 意必有朴而文簡而微者焉士與乎此則其精微獨得 可紙上語哉此明天子之所造也幾於成矣然猶未也

欽定四庫全書 薦未稱明德伏觀太常所奏樂童第其篇叙則有詳暑 之不同稽之文義則或違牾而弗協三歲之親祠四時 惟真宗仁宗寔始親製薦饗樂童所以申景樂宣至和 假三靈之職者炳然與日星較著而當時輔臣翰苑奉 之常祀率用此也而習勢所傳有司弗議臣甚懼焉恭 秘書正字張孝祥乞更定太常樂童劄子曰臣恭惟陛 時之用無不可者愚終不足以與此 下的躬齊精祇見郊廟靡愛圭幣懷柔百神獨聲詩之 歷代名臣奏議

謂雅樂自周漢以來止存大法魏晉而後更造律度乾 金章宗明昌五年韶用唐宋故事置所講議禮樂有司 郊見奏焉庶幾中與追繼部勺施之無窮 愚欲望旺慈深詔通臣取凡太常樂重更定篇次標別 制儒館之士一新撰述裒為成書下之太常以俟來歲 部分具以奏御陛下萬幾之暇用列聖故事擇宗廟郊 詔而作者亦皆依末光垂典冊雅頌所編不足進也臣 祺親 祠所用駿發睿思肆筆而成其餘分命大臣與兩

かんとりはいい 一十所制樂時和児以周顯德律音近衰思乃作西京銅 望泉石尺重造十二管取聲下王朴一律景祐初李照 隋樂不改黃巢之亂樂縣散失太常博士殷盈孫亦以 取黍累尺成律以其聲猶高更用太府布帛尺遂下太 周法鑄轉鐘編鐘處士蕭承訓等校石罄合而奏之至 周顯德以黍定律議者謂比唐樂高五律宋初亦用王 後牛弘以為不可止用私綽鐵尺至隋亦用之唐與因 無定論至後周保定中得古王斗于地中以造尺律其 歷代名臣奏議

論樂復用李照所用太府尺即周隋所用鐵尺牛弘等 李照以太府尺制律人習舊聽疑於太重其後范鎮等 鐘磬即今所用樂是也然以王朴所制聲高屢命改作 加四清聲下王朴樂二律以為新樂元祐問范鎮又造 常樂三律皇祐中阮逸胡瑗改造上下一律或謂其聲 弇醬不和依舊用王朴樂元豐問楊傑參用李照鐘磬 知舊樂之高無法以下之乃以時君指節為尺其所造 新律下李照樂一律而未用至崇寧問魏漢津以范鎮

金少少人人

卷一百二十八

C 2. D ... / C. ... 磬自昔數缺宜補展鐘十五辰磬二十一通舊各為二 |清濁髙下皆適中非出於法數之外私意妄為者也益 樂律聲調和平無太髙太下之失可以久用唯辰鐘辰 今之鐘磬雖崇寧之所製亦周隋唐之樂也閱今所用 矣漢津用李照范鎮之說而耻同之故用時君指節為 分寸亦同則漢津所用指尺殆與周隋唐所用之尺同 以謂近古合宜者也今最見有樂以唐初開元錢校其 尺使衆人不敢輕議其尺雖為詭說其制乃與古同而 歴代名臣奏議 111

十四簾上曰當觀宋人論樂以為律王於人聲不當泥 **卸定四库全書** 於其器要之在聲和而已 歷代名臣奏議卷一百二十 右統言樂 卷一百二十八

欽定四庫全書 歴代名臣奏議卷一百二十九 明 楊士奇等

商湯問伊尹曰三公九卿二十七大夫八十一元士知

禹以成功舉之夫三君之舉賢皆異道而成功然尚有

失者沉無法度而任已直意用人必大失矣故君使臣

之有道乎伊尹對曰昔者堯見人而知舜任人然後知

用人

舜左禹右皐陶不下堂而天下治此使能之效也 一欽定四庫全書-周武王問太公望曰得賢敬士或不能以為治者何也 邪惡百官能治臣下樂職恩流群生潤澤草本昔者尽 務於求賢設四佐以自輔有英俊以治官尊其爵重其 肱不備則主恩不流化澤不行故明君在上慎於擇士 夫王者得賢材以自輔然後治也雖有堯舜之明而股 自貢其能則萬一之不失矣又問王者何以選賢對曰 禄賢者進以顯榮罷者退而勞力是以主無遺憂下無 卷一百二十九

武王又問太公望日舉賢而以危亡者何也望對日舉 武王曰善 喜聞人之情惡聞其惡而喜聞人之惡是以不必治也 定所賞以人言賞賢者不必用不肖者不必退而士不 言斷望曰不能定所去以人言去不能定所取以人言 望對曰不能獨斷以人言斷者殃也武王曰何為以人 必敬武王曰善其為國何如望曰其為人惡聞其情而 取不能定所為以人言為不能定所罰以人言罰不能 盘光白玉灰流

者進少黨者退是以群臣比周而蔽賢百吏羣黨而多 武王曰好用小善者何如望曰君好聽譽而不惡讒也 危亡武王曰善吾今日聞誹譽之情矣 姦忠臣以非死於無罪形臣以譽賞於無功其國見於 以非賢為賢以非善為善以非忠為忠以非信為信其 賢而不用是有舉賢之名而不得真賢之實也武王曰 一 欽定匹庫全書 君以譽為功以毀為罪有功者不賞有罪者不罰多黨 其失安在望曰其失在君好用小善而已不得真賢也 老一百二十九

卿而國不治桓公曰何故管仲對曰貧不能使富桓公 脫桎梏癬被而見桓公桓公厚禮以為大夫任政 欲用之管仲知之故請往鮑叔牙迎受管仲及堂阜而 重不可失也於是桓公從之乃伴為召管仲欲甘心實 叔牙足也君且欲霸王非管夷吾不可夷吾所居國國 君君竟以立君之尊臣無以增君君将治齊即高僕與 桓公使管仲治國管仲對曰賤不能臨貴桓公以為上 歷代名臣奏議

齊桓公立發兵攻魯心欲殺管仲鮑叔牙曰臣幸得從

害覇用而不任害覇任而不信害覇信而復使小人 於覇子管仲對曰此極非其貴者耳然亦無害於霸也 賜之齊國市租一年而國不治桓公曰何故對曰疏不 **稣定匹庫全書** 桓公曰何如而害覇管仲對曰不知賢害覇知而不用 桓公問於管仲曰吾欲使爵腐於酒肉腐於祖得母害 能制親桓公立以為仲父齊國大安而遂覇天下孔子 曰管仲之賢不得此三權者亦不能使其君南面而覇 老一百二十九

桓公問於霄戚曰莞子今年老矣為棄寡人而就世也 字對曰不可豎刀自刑以求入君其身之忍将何有於 管仲有疾桓公往問之仲父若棄寡人監刁可使從政 吾恐法令不行人多失職百姓疾怨國多盗賊吾何如 子之忍将何有於君若用之必為諸侯笑及桓公殁豎 君公曰然則易牙可乎對曰易牙解其子以食其君其 之害霸桓公曰善 **刁易牙乃作難** 楚代名臣奏第

也言便事者未曾見用二阻也壅塞掩蔽必因近習然 布衣屈奇之士踵門而求見寡人者軍戚對曰是君祭 | 欽定四庫全書 之不明舉之不顯而用之疑官之果禄之簿也且夫國 其位重其禄顯其名則天下之士騒然舉足而至矣桓 之所以不得士者有五阻焉主不好士諂謏在傍一 公曰既以舉賢士而用之矣微夫子幸而臨之則未有 之桓公曰得賢奈何霉戚對曰開其道路察而用之尊 而使奸邪不起民衣食足乎霉戚對曰要在得賢而任 卷一百二十九 聞之國具官而后政可善景公作色日齊國雖小則何 景公問於晏子曰寡人從夫子而善齊國之政對曰嬰 非獨一士也桓公曰善吾将著夫五阻以為戒本也 聖君無不容故安樂而長久因此觀之則安主利人者 王聖主之治若夫江海無不受故長為百川之主明王 處五阻不去則上散吏民之情下塞賢士之路是故明 適欲擅國權命五阻也去此五阻則豪俊並與賢智求 後見察三阻也訊獄語窮其辭以法過之四阻也執事

沙色四重在馬

歷代名臣奏議

是故諸侯朝其徳而天子致其胙今君之失多矣未有 信行衰微則莞子侍先君能以人之長續其短以人之 安則軍威侍軍吏怠我士偷則王子成父侍德義不中 侍居處肆縱左右懾畏則東郭牙侍田野不修人民不 墮懈辭令不給則隰朋侍左右多過刑罰不中則弦章 為不具官乎對曰此非臣之所復也昔先君桓公身體 厚補其簿是以辭令窮遠而不逆兵加於有罪而不頓 金安田及人 士以聞者也故曰未具景公曰善 卷一百二十九

先君桓公長數八百乘以覇諸侯今我長載三千乘而 景公伐宋至于岐隄之上登高以望太息而歎曰昔我 如虎之室如蛇之穴而見之易為不祥也 若此者也今上山見虎虎之室也下澤見蛇蛇之穴也 祥知而不用二不祥用而不任三不祥也所謂不祥乃 也晏子曰國有三不祥是不與焉夫有賢而不知一不一 日寡人出獵上山則見虎下澤則見蛇殆所謂之不祥 景公出獵上山見虎下澤見蛇歸召晏子而問之曰今一

たいりはした

歴代名臣奏議

仲桓之賊也實相以濟康語曰父不慈子不祇兄不友 其父有罪可乎對曰舜之罪也殛蘇其舉也與禹管敬 晉日季使過冀見其缺縣其妻饈之敬相待如實與之 歸言諸晉文公曰敬德之聚也能敬必有德德以治民 君請用之臣聞之出門如實承事如祭仁之則也公曰 此則車下之臣盡管仲也 廣則魚大君明則臣忠昔有桓公故有管仲今桓公在 銀好四盾全書 不敢义處於此者豈其無管仲敷經章對曰臣聞之水 卷一百二十九

者大警哥也而又殺林父以重楚勝其母乃久不競乎 也已是晋再克而楚再敗也楚是以再世不競今天或 闘況國相乎及楚殺子玉公喜而後可知也曰莫余毒 而憂如有憂而喜乎公曰得臣猶在憂未歇也因獸猶 晉師敗歸桓子柳為請死晉侯欲許之士貞子諫曰不 弟不共不相及也詩曰采葑采菲無以下體君取節焉 可城濮之役晉師三日穀文公猶有憂色左右曰有喜 可也文公以為下軍大夫

次定四車全書 一

歷代名臣奏議

煎熬之賔骨無善齊和之羹以敦矣奉而進之而君不 其位 林父之事君也進思盡忠退思補過社稷之衛也若之 金りじんと言 力也師曠侍曰臣請譬之五味管仲善斷割之隰朋善 隰朋善削縫實胥無善純緣桓公知衣而已亦其臣之 晉平公問於叔向曰昔者齊桓公九合諸侯一匡天下 何殺之夫其敗也如日月之食焉何損於明晉侯使復 不識其君之力乎其臣之力乎叔向對曰管仲善制割

荆齊熊代四國為一将以攻秦秦王召羣臣賓客六十 靡於外為之奈何群臣莫對姚買對曰賈願出使四國 雞矣雖有香餌而不能致者害之必也 也君之誅罰不可以理避也猶舉杖而呼狗張弓而祝 繪帛而士不至何也田讓對曰君之賞賜不可以功及 衛君問於田讓曰寡人封侯盡千里之地賞賜盡御府 人而問焉曰四國為一将以圖泰寡人屈於內而百姓 食誰能強之亦君之力也

沙定四重全馬.

歷代名臣奏議

臣也王召姚賈而問曰吾聞子以寡人財交於諸侯有 寶南使荆吳北使熊代之間三年四國之交未必合也 以其劍姚賈辭行絕其謀止其兵與之為交以報泰泰 金グロルと 子梁之大盗趙之逐臣與同知社稷之計非所以勵群 王察之且梁監門子當盗於梁臣於趙而逐於世監門 而环珠重寶盡於內是賈以王之權外自交於諸侯願 **公絕其謀而安其兵乃資車百乗金千斤衣以其衣舞** 王大說買封千户以為上卿韓非知之曰買以珍珠重

飲定四車全書 太公望齊之逐夫朝歌之廢屠子良之逐臣棘津之雠 其良将紂聞讒而殺其忠臣至身死國亡今王聽讒則 不庸文王用之而王管仲其鄙人之實人也南陽之版 無忠臣矣王曰子監門子梁之大盗趙之逐臣姚賈曰 焉之使買不忠於君四國尚焉用買之身禁聽讒而誅 天下願以為妃今賈忠王而王不知也賈不歸四國尚 諸對回有王曰有何面目復見寡人對曰曾參孝其親 天下願以為子子胥忠於君天下願以為臣貞女工巧 歷代名臣奏議

外非者不聽雖有萬世之名無咫尺之功者不賞是以 城濮此四士皆有話醜大誹天下明主用之知其可與 羣臣莫敢以虚願望於上秦正曰然乃復使姚賈而誅 立功使若下随務光申屠狄人主豈得其用哉故明主 幽魯之免囚桓公用之而覇百里奚虞之乞人傳賣以 不取其污不聽其非察其為已用故可以存社稷雖有 五羊之皮穆公相之而朝西戎文公用中山盗而勝於 卷一百二十九 以富强百姓樂用諸侯親服獲楚魏之師舉地千里至 斯乃上書曰臣聞吏議逐客竊以為過矣昔終公求士 抵為其主游開於泰耳請一切逐客李斯議亦在逐中 秦王拜李斯為客卿會韓人鄭國來閒秦以作注溉渠 巴而覺奉宗室大臣皆言於王曰諸侯人來事秦者大 十遂霸西戎孝公用商鞅之法移風易俗民以殷盛國 西取由余於戎東得百里奚於宛迎蹇叔於宋來丕豹 公孫支於晉此五子者不産於泰而穆公用之并國二

欽定四庫全書

歷代名臣奏議

實垂明月之珠服太阿之級乘纖離之馬建翠鳳之族 實而秦無強大之名也今陛下致崑山之王有随和之 向使四君却容而不內疏士而不用是使國無富利之 帝業此四君者皆以客之功由此觀之客何負於秦哉 范雎廢穣倭逐華陽强公室杜私門蠶食諸侯使秦成 之壤遂散六國之從使之西面事秦功施到今的王得 上郡南取漢中包九夷制郡即東據成旱之險割膏腴 **今治殭惠王用張儀之計拔三川之地西并巴蜀北牧**

|树雪鼉之鼓此數寶者秦不生一馬而陛下說之何也| 充下陳妈心意說耳目者必出於泰然後可則是宛珠 之器不為玩好鄭魏之女不充後宮而駿良駃騠不實 必秦國之所生然後可則是夜光之壁不飾朝廷犀象 雅化佳冶窈窕趙女不立於側也夫擊雞叩疑彈等搏 之簪傳璣之珥阿縞之衣錦繡之飾不進於前而隨俗 外廐江南金錫不為用西蜀丹青不為采所以飾後宮 髀而歌聲嗚嗚快耳目者真泰之聲也鄭魏桑閒的作

一次則是所重者在乎色樂珠玉而所輕者在乎人民也 欽定四庫全書 其德是以地無四方民無異國四時充美鬼神降福此 大河海不擇細流故能就其深王者不却聚庶故能明 大者人衆兵強則士勇是以太山不讓土壤故能成其 彈筝而取昭震若是者何也快意當前適觀而已矣今 部属象武者異國之樂也今葉擊甕叩疑而就鄭衛退 此非所以跨海内制諸侯之術也臣聞地廣者栗多國 取人則不然不問可否不問曲直非秦者去為客者逐 卷一百二十九

漢王召入是時萬石君石奮為中涓受平謁平等十人 漢高帝為漢王時陳平自楚歸漢因魏無知求見漢王 多士不產於泰而顧忠者聚今逐客以資敵國損民以 客以業諸侯使天下之士退而不敢西向裹足不入秦 **並儲內自虚而外樹怨於諸侯求國無危不可得也泰** 此所謂籍寇兵而齊盗糧者也夫物不產於秦可賓者 五帝三王之所以無敵也今乃棄點首以資敵國却實 王乃除逐客之令 歷代名臣奏議

未必有也聞平居家時盜其嫂事魏王不容亡而歸楚 過今日於是漢王與語而說之問日子居楚何官平日 俱進賜食王曰罷就会矣平曰臣為事來所言不可以 軍廣武絡灌等或讒平曰平雖美丈夫如冠王耳其中 所敗引師而還收散兵至榮陽以平為亞将属韓王信 長者漢王聞之愈益幸平遂與東伐項王至彭城為楚 大王一日得楚之亡卒未知高下而即與共載使監護 為都尉是日拜平為都尉使受乗典護軍諸将盡謹曰

| 銀定匹庫全書

卷一百二十九

曰吾聞先生事魏不遂事楚而去令又從吾遊信者固 足以利國家耳盜嫂受金又安足疑乎漢王召平而問 問者行也今有尾生孝已之行而無益於勝敗之數陸 王祭之漢王疑之以讓無知問曰有之乎無知日有漢 諸将金多者得善處金少者得惡處平反覆亂臣也願 王曰公言其賢人何也對曰臣之所言者能也陛下所 下何暇用之乎今楚漢相距臣進竒謀之士顏其計誠 歸楚不中又亡歸漢今大王尊官之令護軍臣聞平使

一欽定四庫全書 一

歷代名臣奏議

敬爱人士之庶節好禮者多歸之至於行功爵邑重之 王又謂陳平曰天下紛紛何時定乎平曰項王為人恭 謝厚賜拜以為護軍中尉盡護諸将諸将運不敢復言 受金無以為資誠臣計畫有可来者願大王用之使無 多心乎平回臣事魏王魏王不能用臣說故去事項王 不能用臣居楚聞漢王之能用人故歸大王羸身來不 項王不信人其所任愛非諸項即妻之昆弟雖有奇士 可用者大王所賜金具在請封輸官得請骸骨漢王乃

欽定四庫全書 四十二四十名日 髙帝即位五年置酒维陽南宫帝曰列侯諸将母敢隱 必内相誅漢國舉兵而攻之破楚必矣王以為然 斤金行及間間其君臣以疑其心項王為人意忌信讒 各去其兩短襲其两長天下指度則定矣然大王恣侮 士亦以此不附今大王慢而少禮士庶節者不來然大 王能饒人以爵邑士之頑鈍嗜利無恥者亦多歸漢誠 亞父鍾離時周殷之属不過數人耳大王誠能前數萬 人不能得庶節之士顧楚有可亂者彼項王骨鯁之臣 歷代名臣奏議 +0

也項羽好賢嫉能有功者害之賢者疑之戰勝而不予 者何高起王陵對曰陛下慢而侮人項羽仁而愛人然 何連百萬之軍戰必勝攻必取吾不如韓信此三者皆 不如子房鎮國家撫百姓給閱讓不絕糧道吾不如請 陛下使人攻城略地所降下者因以予之與天下同利 朕皆言其情吾所以有天下者何項氏之所以失天下 人功得地而不予人利此所以失天下也帝曰公知其 未知其二夫運籌策帷帳之中決勝於千里之外吾 老一百二十九

人傑也吾能用之此吾所以取天下也項羽有一范增 文帝拜張釋之為謁者僕射從行上昼虎圈問上林尉 而不能用此其所以為我擒也羣臣吃服 者文帝曰吏不當如此耶尉亡賴部釋之拜嗇夫為上 會獸薄十餘問尉左右視盡不能對應圈留夫從旁代 林令釋之前日陛下以絳侯周勃何如人也上日長者 尉對上所問禽獸簿甚悉欲以觀其能口對嚮應亡窮 又復問東陽侯張相如何如人也上復曰長者釋之曰 おというないなる

大夫復有言其勇使酒難近至留即一月見罷季布因 | 欽定四庫全書 時季布為河東守人有言其賢者文帝名欲以為御史 於景響舉錯不可不察也文帝曰善乃止不拜嗇夫 遷之臣恐天下隨風靡争口辯亡其實且下之化上疾 効此·書夫喋喋利口提給哉且秦以任刀筆之吏争以 夫絳侯東陽侯稱為長者此兩人言事會不能出口豈 過陵夷至於二世天下土崩今陛下以嗇夫口辨而起 亟疾 等原相高其弊徒文具亡惻隱之實以故不聞其

誰可以自代者吉辭謝曰羣臣行能明主所知愚臣無 股肱郡故特召君耳布辭之官 所能識上固問吉頓首曰西河太守杜延年明於法度 宣帝五鳳三年丙吉病篤上自臨問吉曰君即有不諱 陛下以一人之譽而召臣以一人之毀而去臣臣恐天 臣欺陛下者今臣至無所受事罷去此必有毁臣者夫 進曰臣無功竊寵待罪河東陛下無故召臣此必有以 下有識聞之有以窺陛下也帝點然熟良久曰河東吾

古言皆是而許焉 知新通於幾微謀慮之士以為內臣與參政事諸侯開 則不知過國無達士則不聞善願陛下選明經術温故 時蕭望之上疏曰陛下哀愍百姓恐徳化之不究悉出 孝博厚備於行止此三人能皆在臣右唯上察之上以 晓國家故事前為九卿十餘年令在郡治有能名廷尉 |欽定四庫全書 | 諫官以補郡吏所謂憂其末而忘其本者也朝無争臣 于定國執憲詳平天下自以不免太僕陳萬年事後母 卷一百二十九

然敢不客陳愚而抒情素記曰共惟春秋法五始之要 覽之知顧有至愚極陋之累不足以塞厚望應明旨雖 為聖主得賢臣頌於是褒對曰夫荷旃被義者難與道 之則知國家納諫慶政亡有關遺若此不怠成康之道 純綿之嚴審羹熬含糗者不足與論太牢之滋味今臣 益州刺史王襄奏蜀人王襃有軼材廼徵襃既至詔褒 其無幾乎外郡不治豈足憂哉書聞徵入守少府 僻在西蜀生於窮巷之中長於蓬茨之下無有遊觀廣 歷代名臣奏議

縣乘旦王良執乾韓哀附與縱馳聘為忽如景靡過都 吻敞策而不進於行曾喘層汗人極馬倦及至駕蓋都 彗氾畫塗如此則使離婁督經公輸削墨雖崇臺五層 樸清水淬其鋒越砥斂其鍔水斷蛟龍陸割犀革忽岩 延衰百丈而不溷者工用相得也庸人之御為馬亦傷 在乎審已正統而已夫賢者國家之器用也所任賢則 銀定四庫全書 之用鈍器也勞筋苦骨終日矻矻及至巧冶鑄干将之 趙舍省而功施普器用利則用力少而就效衆故工人 卷一百二十九

之開寬裕之路以延天下英俊也夫竭知附賢者必建 其備賢人君子亦聖王之所以易海內也是以嘔喻受 **燠襲貂裘之煗者不憂至寒之悽愴何則有其具者易** 其速哉人馬相得也故服絲給之凉者不苦或暑之鬱 君人者勤於求賢而逸於得人人臣亦然昔賢者之未 **图空之隆齊桓設庭嫁之禮故有臣合之功由此觀之** 越國蹶如歷塊追奔電逐遺風周流八極萬里一息何 仁策索人求士者必樹伯迹昔周公躬吐握之勞故有

ころこう こここ

歷代名臣奏議

與而致雲蟋蟀埃秋吟蜉蝤出以陰易曰飛龍在天利 | 郵定匹庫全書 世必有聖知之君而後有賢明之臣故虎嘯而風冽龍 其忠任職得行其術去早厚與漂而升本朝離疏釋嬌 其信進仕不得施效斥逐又非其愆是故伊尹勤於鼎 遭遇也圖事換策則君不用其謀陳見悃誠則上不然 而享膏梁剖符錫壤而光祖考傳之子孫以資說士故 遇明君遭聖主也運籌合上意諫諍即見聽進退得關 姐太公国於鼓刀百里自鬻寫子飯牛罹此患也及其 卷一百二十九

改定の事人と言! 表横被無窮避夷貢獻萬样畢臻是以聖王不偏窺望 魚縱大壑其得意若此則胡禁不止曷令不行化溢四 放千載一合論說無疑翼乎如鴻毛遇順風沛乎如巨 而弘功業俊士亦俟明主以顯其德上下俱欲雖然交 逢門子彎烏號猶未足以喻其意也故聖主必侍賢臣 自至若堯舜禹湯文武之君獲稷契旱陶伊尹日望明 見大人詩曰思皇多士生此王國故世平主聖俊又将 明在朝穆穆布列聚精會神相得益章雖伯牙操遞鍾 歷代名臣奏議

成帝河平二年御史大夫張忠奏京兆尹王尊罪尊坐 北盡節勞心風夜思職撥剔整亂誅暴禁邪皆前所看 免官吏民多稱惜之湖三老公乘與等上書訟尊治京 仰訟信若彭祖的虚呼吸如喬松耿然絕俗離世哉詩 之場休徵自至壽考無疆雅容垂拱永永萬年何必偃 云濟濟多士文王以寧益信乎其以寧也 游太平之青塞優游之望得連遊自然之勢恬淡無為 而視已明不單傾耳而聽已聽恩從祥風朝德與和氣 自りもたんごう RED BILL LIANS 定尊素行審如御史章尊乃當伏觀開之誅放於無人 一廢亂選用為鄉賊亂既除即以伎巧廢無一尊之身三 之域不得苟免及任舉尊者當獲舉之辜不可但已即 期之間乍賢乍佞豈不甚哉願下公卿大夫博士議郎 傅致奏文臣等竊痛傷尊修身潔已砥節首公刺幾不 有今御史奏尊傷害陰陽為國家憂請言庸違象恭滔 憚将相誅惡不避豪強功著職修威信不廢昨以京師 天原其所以出御史丞楊輔素與尊有私怨外依公事 歷代名臣奏議

成帝時御史大夫于永卒谷永薦用薛宣上疏曰帝王 則大職隨戰王功不與虞帝之明在此一舉可不致詳 **帅以充其缺得其人則萬姓欣喜百僚說服不得其人** 丞相統理天下任重職大非庸材所能堪今當選於群 日知人則哲能官人御史大夫內承本朝之風化外佐 之德莫大於知人知人則百僚任職天工不曠故皋陶 絕欺詐之路於是復以尊為徐州刺史 金贝口屋马言 不如章飾文深武以愬無罪亦宜有誅以懲讒賊之口 卷一百二十九

欺誣之卑臣聞賢才莫大於治人宣已有效其法律任 所譽其有所試宣考續功課簡在两府不敢過稱以干 治為左馮翊崇教養善威德並行衆職修理姦軌絕息 憲穀下不吐剛如柔舉錯時當出守臨淮陳留二郡稱 竊見少府薛宣材茂行潔達於從政前為御史中丞執 廷尉有餘經術文雅足以謀王體斷國論身兼數罷有 辭訟者歷年不至丞相府赦後餘盜賊什分三輔之 功效卓爾自左內史初置以來未嘗有也孔子曰如有 生りいえ 三天義

化行而治功立今之郡守重於古諸侯往者致選賢材 世立諸侯象賢也雖不能盡賢天子為擇臣立命卿以 輔之居是國也累世尊重然後士民之眾附馬是以教 哀帝初立欲匡成帝之政多所變動丞相王嘉上疏曰 陛下留神考察 欽定四庫全書 _____ 之詩舍公實之臣任華虚之譽是用越職陳宣行能唯 退食自公之節無私黨游說之助臣恐陛下忽於羔羊 臣聞聖王之功在於得人孔子曰材難不其然與故繼 卷一百二十九

器有益於公家也 殺之其家自究使者覆微 而言 奴忌之武帝擢韓安國於徒中拜為梁內史而 天者不 為冀州 安張敞為京兆尹有罪當免點吏知而 感馬唐之言遣使持節放其鼻拜為雲中太守 難得拔握可用者或起於囚徒昔魏尚坐事 下奏 刺 其請 史卒 事逮 也捕 孝文時吏居官者或長子 獲其用前世非私 歷代名臣奏说 敞 會免亡命數 **刻敞賊殺人** 此三人 十日宣帝 八上逮 Ŧ 犯敞 捕 貧 骨 敝

官為氏倉氏庫氏則倉庫吏之後也其二千石長吏 銀定四庫全書 管私者多二干石益輕賤吏民慢易之或持其微 刺史察過悉効發揚陰私吏或居官數月而 稍變易公卿以下傳相促急又數改更政事司禄 易危小失意則有離畔之心前山陽亡徒蘇令等 迎新交錯道路中材苟容求全下材懷危內顧 亦安官樂職然後上下相望莫有茍且之意其後 加成鼻言於刺史司隸或至上書章下聚庶知 七一百二十 退送 其 调 故 切 部

驗繫治或死獄中章文必有敢告之字通下唯陛下留 者賜金尉厚其意誠以爲國家有急取辨於二千石二 皇帝悔之下部書二千石不為縱為罪所以優之也遣使 劾事留中會放一解故事尚書希下章爲煩擾百姓證 千石等重難危乃能使下孝宣皇帝愛其良民吏有章 横吏士臨難莫肯仗節死義以守相威權素奪也孝成 史三輔縣令有材任職者人情不能不有過差宜可闊 神於擇賢記善忘過容忍臣子勿責以備二千石部刺 臣七分至尽義

一欽定四庫全書 發欲遣大夫使逐問狀時見大夫無可使者名盩屋令 **畧令盡力者有所勸此方令急務國家之利也前蘇令** 時傅太后始與政事右將軍傅喜數諫之由是傅太后 薛修等皆故二千石有名稱天子納而用之 畜養可成就者則士赴難不愛其死臨事倉卒乃求非 尹逢拜為諫大夫遣之今諸大夫有材能者甚少宜豫 不欲令喜輔政上於是用左將軍師丹代王莽為大司 所以明朝廷也嘉因薦儒者公孫光滿昌及能吏蕭成 卷一百二十九

之忠臣社稷之衛魯以季友治亂楚以子王輕重魏以 賢子以論議不合於定陶太后故退百僚莫不為國恨 内輔之臣也今以寝病一旦遣歸衆庶失望皆曰傳氏 國不以為難子王為将則文公側席而坐及其死也君 空何武尚書令唐林皆上書言喜行義修絜忠誠憂國 馬賜喜黄金百斤上将軍印綬以光禄大夫養病大司 臣相慶百萬之衆不如一賢故秦行千金以間廉頗漢 無忌折衝項以范增存亡故楚跨有南土帶甲百萬隣 歴代名臣奏議 三十四

其人問於郅禹禹對曰寇恂文武備足有牧民御衆之 為大司馬封高武侯 散萬金以疏亞父喜立於朝陛下之光輝傳氏之廢典 |新定匹庫全書 追他兵勿令北度王引兵而北尚調糇糧治械器以供 蕭何関中吾今委公以河内當給足軍糧率属士馬防 才非此子莫可使也乃拜怕河内太守謂曰昔高祖留 後漢光武為蕭王時以河內險要富實欲擇守者而難 也上亦自重之明年正月延徙師丹為大司空而拜喜 卷一百二十九

钦皇四年全事--於事宜以和平而災異循見者而豈徒然天道信誠不 多鄉曲故舊故假言及之 乘牛車齊於編人斯固法令整齊下無作威者也求之 光武時武陽侯朱浮上疏曰陛下清明復約率禮無違 選補衆職當簡天下賢俊不宜專用南陽人是時在位 建武十一年郭伋為并州牧過京師帝問以得失仮曰 自宗室諸王外家后親皆奉遵繩墨無黨執之名至或 軍未當乏絶 歷代名臣奏議

吏安則人自静傳日五年再閏天道乃備夫以天地之 坐被空文不可經盛衰胎後王也夫事積久則吏自重 職皆競張空虚以要時利故有罪者心不厭服無咎者 石之吏故奉下苛刻各自為能無以私情容長僧愛在 為腹心而使者以從事為耳目是為尚書之平決於百 來不用舊典信刺舉之官點鼎輔之任至於有所刻奏 便加免退覆案不関三府罪譴不蒙澄察陛下以使者 可不察竊見陛下疾往者上威不行下專國命即位以 · 次已四重合馬 不可奪之志陛下深知其能顯以宰相之重衆賢百姓 見故大司徒陽都侯自行束脩記無毁玷篤信好學守 **肽康文王以多士寧是故詩稱濟濟書曰良哉臣詩寫** 吏人畏愛則而象之遭時反覆不離兵凶秉節持重有 南陽太守杜詩上疏薦陽都侯伏湛曰臣聞唐虞以股 陛下留心千里之任省察偏言之奏 **室猶五載以成其化況人道哉臣浮愚戆不勝惓惟願** 死善道經為人師行為儀表前在河內朝歌及居平原 歷代名臣奏議

明行修通達國政尤宜近侍納言左右舊制九州五尚 以知宰相之才竊懷區區敢不自竭臣前為侍御史上 古者選擢諸侯以為公卿是故四方回首仰望京師在 封事言湛公亷嗳下好惡分明累世儒學素持名信經 石之臣宜居輔弼出入禁門補缺拾遺臣詩愚戆不足 髮厲志白首不衰實足以先後王室名足以光示遠人 竊傷之湛容貌堂堂國之光暉智畧謀慮朝之淵藪髫 仰望徳義微過斥退久不復用有識所惜儒士痛心臣

齊國吳良資質敦固公方廉恪躬儉安貧白首一節又 書令一郡二人可以湛代頗為執事所非但臣詩蒙思 於戚文竊位之罪敢東愚瞽犯冒嚴禁 治尚書學通師法經任博士行中表儀宜備宿衛以輔 所重必在得人報恩之義莫大薦士竊見臣府西曹掾 深渥所言誠有益於國雖死無恨故復越職觸冒 Caldia Lilia 聖政臣養榮寵絕矣憂責深大私慕公叔同升之義懼 明帝時驃騎将軍東平王蒼上疏薦吳良日臣聞為國 歷代名臣奏議 圭

| 多定四库全書: 應對然察察小慧類無大能宜簡當歷州宰素有名者 時賦發充常調而貪吏割其財此其巨惠也夫欲急人 急郡國不奉時令之所致也農人急於務而苛吏奪其 之本必順陰陽伏見立夏以來當暑而寒殆以刑罰刻 置官選職不必以才因盛夏多寒上疏諫曰臣聞政化 章帝時華應以世承二帝更化之後多以奇刻為能又 所務當先除其所惠天下樞要在於尚書尚書之選豈 可不重而間者多從郎官超升此位雖曉習文法長於 卷一百二十九

皆停省又諫議之職應用公直之士通才養正有補益 納之 夫提急之對深思絳侯木訥之功也往時楚街大起故 Paron Litis 並宜清選其任責以言續其二千石視事雖久而為吏 於朝者今或從徵試輩為大夫又御史外遷動機州郡 置令史以助郎職而類多小人好為姦利今者務簡可 民所便安者宜增秩重賞勿妄遷徙惟留聖心書奏帝 雖進退舒遲時有不追然端心向公奉職周家宜鑒普 歴代名臣奏議

贖聖秘觀變歷徵占天知地與神合契據其道德以經 萬物加以少膺儒雅翰含六籍推考星度綜校圖録探 多定匹庫全書 王務昔為陪隸與臣從事舊忠毅之操躬史魚之節董 姿挺特奇偉秀出才兼四科行包九德仁足濟時知周 竊見鉅鹿太守會稽謝夷吾出自東州厥土塗泥而英 發之君猶賴傳說日望之策故能克崇其業允協大中 **稷契政隆太平舜用皐陶政致雍熙殷周雖有高宗昌** 司徒第五倫薦用鉅鹿太守謝夷吾上疏曰臣聞堯登 卷一百二十九

於今超馬絕俗誠社稷之元龜大漢之棟费宜當拔雅 以要龍念存遜通演志箕山方之古賢實有倫序採之 惠敷百里降福彌異流化若神爰收荆州威行邦國奉 之倫雖茲勿在公而身出心隱不殉名以求譽不馳騖 為外臺之表聽聲祭實為九伯之冠遷守鉅鹿政合時 法作政有周召之風居儉履約紹公儀之操尋功簡能 雜德量績謀有伊吕管晏之任闡弘道與同史蘇京房 臣嚴綱弱臣懦弱得以免戾寔賴聚熟及其應選作军

一欽定匹庫全書 焉而今上司鉄職未議其人臣竊差次諸卿考合衆議 者功量才以序庶僚遭烈風不迷遇迅雨不感位莫重 陪下象山岳股肱元首鼎足居職協和陰陽調到五品 安帝時尚書陳忠論薦劉愷上疏曰臣聞三公上則台 以光七曜之明下以厭率土之望疾令微臣塞各免悔 器非其傳尸禄員乘夕陽若属願乞骸骨更授夷吾上 時必致休徴克昌之慶非徒循法奉職而已臣以頑駕 使登野司上令三辰順軌於歷象下使五品成訓於嘉

像景式海内歸懷往者孔光師丹近世野處張輔皆去 成稱太常朱優少府首遷臣父寵前忝司空張遷並為 拜太尉 宰相復序上司誠宜簡練卓異以厭衆望書奏詔引愷 舉動得禮以疾致仕側身里巷處約思純進退有度百 讓爵土致祚弱弟躬浮雲之志兼浩然之氣頻歷二司 而薄於義文伏見前司徒劉愷沈重淵懿道德博備克 ·據属具知其能係能說經書而用心褊狹遷嚴毅剛直 歷代名臣奏議

世之舉觀魏尚之功免赦參刑以為軍鋒必有成效宣 患大軍西屯臣以為如參之人宜在行伍惟明語採前 御史中丞樊準薦用龐参上疏曰臣聞驚鳥累百不如 萬才武器有魏尚之風前坐微法輸作經時今羌戎為 得也臣伏見故左校令河南罷參勇謀不測卓爾奇偉 守匈奴不敢南向夫以一臣之身折方面之難者選用 助國威鄧太后納其言即擢參於徒中召拜謁者使西 獨昔孝文皇帝悟馬唐之言而赦魏尚之罪使為邊 卷一百二十九

一金定四庫全書

孝文匈奴亦器上郡而宣王立中與之功文帝建太宗 許病引兵還坐以許疾徵下獄校書郎馬融上書請之 千人與行征西将軍司馬釣期會北地擊之參兵至勇 元之失業單竭府庫以奉軍師昔周宣後稅侵鎬及方 士城東為杜季貢所敗引退釣等獨進參既已失期乃 曰伏見西戎反畔寇鈔五州陛下愍百姓之傷痍哀黎 先零羌豪僭號北地部魔参将降羌及湟中義從胡七 督三輔諸軍屯 歷代名臣奏議 =

一致定四库全書: 逐霸西戎宜遠覽二君使參懂得在寬宥之科誠有益 囚陷於法網昔首林父敗績於必晉侯使復其位孟明 數年還留三輔功効克立間在北邊軍于降服今皆幽 **兼以博雅深謀之姿又度遼将軍梁懂前統西域勤苦** 羌校尉龐冬文武昭備智墨弘遠既有義勇果毅之節 以南仲赫赫列在周詩亞夫赶赶載於漢策寫見前護 之號非惟兩主有明叡之姿抑亦打城有應虎之助是 視丧師於崎泰伯不替其官故晉景并亦狄之土泰穆 卷一百二十九

とこうこくこう 昔白起賜死諸侯酌酒相賀季子來歸魯人喜其於難 羣邪之間自處中傷之地臣猶其在陛下之世當蒙安 順帝時當會茂才孝庶太尉龐多以被奏稱疾不得會 夫國以賢化君以忠安今天下咸欣陛下有此忠賢願 全而復以讒伎傷毀忠正此天地之大禁人主之至誠 婦皆曰太尉龐參竭忠盡節徒以直道不能曲心孤立 上計禄廣漢段恭因會上疏曰伏見道路行人農夫織 於折衝毗佐於聖化書奏赦參等 歷代名臣奏議

式無所不覽柔而不犯文而有禮忠貞之性憂公如家 |豐其寵舉不失徳下忘其死竊見尚書僕射胡廣體貞 | 金足匹庫全書 羊酒 卒寵任以安社稷書奏詔即遣小黄門視參疾太醫致 不矜其能不伐其勞量異周慎行靡玷漏密勿風夜十 以功典謨所美五服五章天秩所祚是以臣竭其忠君 尚書史敞等薦胡廣曰臣聞德以旌賢爵以建事明武 優規無虚温雅博物治間探贖窮理六經典與舊章憲 卷一百二十九

勞日久後母年老既蒙簡照宜試職千里由寧方國陳 有餘年心不外顧志不苟進臣等竊以為廣在尚書劬 懷然遂為寝兵魏文侯師卜子夏友田子方戟段干木 賢為道昔秦欲謀楚王孫圉設擅西門陳列名臣秦使 為神人之清者為賢養身者以練神為實安國者以積 永和中李固遷将作大匠上疏陳事曰臣聞氣之清者 紀綱顏俗使束脩守善有所勸仰 留近郡令太守任缺廣才畧深茂堪能撥煩願以參選 歷代名臣奏議

問者誠可嘆息宜徵還厚等以副群望瓊久處議郎門 之一日朝會見諸侍中並皆年少無一宿儒大臣可顧 國臣前在荆州聞厚純等以病免歸誠以悵然為時情 然歸服聖德厚等在職雖無奇卓然夕惕孳孳志在憂 是以岩穴幽人智術之士彈冠振衣樂欲為用四海於 夏黃瓊廣漢楊厚會籍賀純策書嗟漢待以大夫之位 賢人之符也陛下撥亂龍飛初登大位聘南陽樊英江 故群俊競至名過齊桓泰人不敢窺兵於西河斯益積 欽定四庫全書 Ca. Dual Like 者也伏見處士豫章徐稱彭城姜胘汝南衣閱京兆章 等日臣聞善人天地之紀政之所由也詩云思皇多士 生此王國天挺俊义為陛下出當輔弼明時左右大業 桓帝延熹二年尚書令陳蕃僕射胡廣等上疏薦徐稱 誤甚正宜在常伯訪以言議侍中杜喬學深行直當世 且十年衆人皆怪始隆崇今更滞也光禄大夫周舉才 固為大司農 良臣人托疾病可勒令起是日有詔徵用喬厚等而以| 歷代名臣奏議 幸四

到好四月全書 著類川李曇德行純備著于人聽若使握登三事協亮 德清行出俗能幹絕群前更守宰移風改政去珠復還 時合浦太守孟常以病徵還隱處窮澤尚書郎楊喬上 飢民蒙活且南海多珍財產易積掌握之內價盈兼金 微終不蒙察區區破心徒然而已當安仁弘義耽樂道 書論薦曰臣前後七表言故合浦太守孟常而身輕言 備禮徵之 天工必能異宣威美增光日月矣桓帝乃以安車玄續 卷一百二十九

というし シュー **微節不敢苟私鄉曲竊感禽息亡身進賢當竟不見用** 士宜拔衆之所貴臣以斗筲之資趙走日月之側思立 見為貴樂木朽株為萬乘用者左右為之容耳王者取 延熹九年李膺等以黨事下獄考實太尉陳蕃上疏極 謝聖時臣誠傷心私用流涕夫物以遠至為珍士以稀 之寶棄於溝渠且年歲有記桑榆行盡而忠貞之節水 之美用非徒腹背之毛也而沈淪草茶好爵莫及廊廟 而當單身謝病躬耕孽次匿影藏采不揚華藻實羽朝 歷代名臣奏議

何薄待惡何優夫讒人似實巧言如簧使聽之者感視 杜塞天下之口聾盲一世之人與秦焚書坑儒何以為 異昔武王克殷表封問墓今陛下臨政先誅忠賢遇善 心社稷以忠忤旨横加考案或禁錮閉隔或死徒非所 湯武雖聖而與於伊召集紂迷惑亡在失人由此言之 諫曰臣聞賢明之君委心輔佐亡國之主諱聞直辭故 多好四库全書 司隸校尉李膺太僕杜密太尉禄范滂等正身無玷死 君為元首臣為股肱同體相須共成美惡者也伏見前 卷一百二十九

大夫昔春秋之末周德衰微數十年間無復灾告者天 哭之曰萬方有罪在予一人故其與也勃焉又青徐炎 用盡於羅統外戚私門貪財受駱所謂禄去公室政在 旱五穀損傷民物流遷如我不足而宫女積於房掖國 於微殺無辜於市乎昔禹巡将蒼梧見市殺人下車而 退不可以離道規謬言出口則亂及八方何況髡無罪 君者攝天地之政東四海之維舉動不可以達聖法進 之者昏天吉函之效存乎識善成敗之機在於察言人 2.17.m. J.1. 歷代名臣奏議

活隱其智力顏其權器無幸逢時有所為耳卒遭高帝 時徐州從事臧旻上書訟第五種曰臣聞士有忍死之 生坐觀成敗如蒙採録使身首分裂異門而出所不恨 忽此二臣以可死而不死者非愛身於須更貪命於药 所棄也天之於漢像像無已故殷勤示變以悟陛下除 辱必有就事之計故季布屈節於朱家管仲錯行於召 也帝諱其言切託以養辟名非其人遂策免之 妖去孽實在修德臣位列台司憂責深重不敢尸禄惜

一對定四庫全書

卷一百二十九

棄其所短録其小善除其大過種所坐以賊盗公負筋 清高以種為上序直士以種為首春秋之義選人所長 伏見故究州刺史第五種傑然自建在鄉曲無苞直之 篇籍假令二主紀過於纖介則此二臣同死於大馬沈 名於溝壑當何由得申其補過之功建其奇與之術乎 於囚屬之中信其佐國之謀熟效傳於百世君臣載於 嫌步朝堂無擇言之闕天性疾惡公方不曲故論者說 之成業齊桓之與伯遺其亡逃之行赦其射鉤之雠拔

次定四車全書 一

歴代名臣奏議

Ī

成長久之計陛下聖德欽明同符二祖勞謙尼運三年 武中與吳耿佐命兒升衛宏脩述舊業故能文武並用 獻帝時公車司馬令謝該以父母老託疾去官欲歸鄉 祖創業韓彭之将征討暴亂陸買叔孫通進說詩書光 里會荆州道斷不得去少府孔融上書薦之曰臣聞高 種逃亡苟全性命冀有朱家之路以顯季布之會願陛 力未就罪至徵徒非有大惡苦虞舜事親大杖則走故 下無遺須更之恩令種有持忠入地之恨種會赦出 卷一百二十九 欠EDIF CILID 歴代名臣奏議 有二非夫治聞者莫識其端也馬不疑定北關之前夏 跡前列間以父母老疾棄官欲歸道路險塞無由自致 近少有傷匹若乃巨骨出吳隼集陳庭黃熊入寝亥首 古今物來有應事至不感清白異行敦悅道訓求之遠 秦弓卧鼓之次宜得名儒典綜禮紀鞠見故公車司馬 侯勝辯常陰之驗然後朝士益重儒術今該實卓然比 令謝該體自史之淑性兼商偃之文學博通羣義問覧 乃謹今尚父鷹揚方叔翰飛王師電繁羣山破珍始有 羣士響臻陛下叡聖篡承基緒遭遇 尼運勞議日景惟 旁求四方以招賢俊昔孝武繼統将弘祖業疇咨熙載 去國漢朝追匡衡於平原尊儒貴學惜失賢也書奏詔 煩哉臣愚以為可推録所在名該令還楚人止孫卿之 融又論薦處士禰衛上疏口臣聞洪水横流帝思律又 即徵遷拜議郎 反者也後日當更饋樂以釣由余剋像以求傳說豈不 **猥使良材抱璞而逃踰越山河沈淪荆楚所謂往而不** 次とりられたか 係單于終軍欲以長機牽致勁越弱冠慷慨前世美之 過也熱鳥累百不如一點使衛立朝必有可觀飛辯聘 辭溢氣坐涌鮮疑釋結臨敵有餘昔實誼求試属國說 霜雪見善若驚疾惡若讎任座抗行史魚属節始無以 羊潛計安世默識以衡準之誠不足怪忠果正直志懷 軟誦於口耳所瞥聞不忘於心性與道合思若有神弘 岳降神異人並出寫見處士平原稱衛年二十四字正 平淑質貞亮英才卓礫初涉義文升堂親與目所一見 歷代名臣奏議

曹操薦首或表曰臣聞處為功首謀為賞本野績不越 急臣等區區敢不以聞 妙之容臺牧者之所貪飛兔腰真絕足奔放良樂之所 皇居必畜非常之實若衡等輩不可多得激楚揚阿至 龍躍天衢振翼雲漢揚聲紫微垂光虹蜺足以貼近署 之多士增四門之移移釣天廣樂必有奇麗之觀帝室 廟堂戰多不踰國勲是故曲阜之錫不後管邱蕭何之 近日路粹嚴象亦用異才握拜臺郎衙宜與為比如得 一人とりしていた。 德累行少長無悔遭世紛擾懷忠念治臣自始舉義兵 土先於平陽珍策重計古今所尚侍中守尚書令或積 周游征伐與或戮力同心左右王略發言授策無施不 之冠或之功也宜事高爵以彰元勲 功業臣由以濟用披浮雲顯光日月陛下幸許 忠恪祗順如履簿氷研精極銳以撫庶事 歴代名臣奏議

金月口尼白雪 歷代名臣奏議卷一百二十九 卷一百二十九